

三家詩遺說考

齊詩遺說攷卷第三

三之一

福州陳壽祺學

男喬樅述

齊詩大雅一

補漢書禮樂志昔殷周之雅頌乃上本有娥姜嫄高稷
始生元王公劉古公大伯王季姜女太任太姒之德乃
及成湯文武受命武丁成康宣王中興下及輔佐阿衡
周召太公申伯召虎仲山甫之屬君臣男女有功德者
靡不褒揚功德旣信美矣褒揚之身盈於天地之間是
呂光名著於當世遺譽垂于無窮也

文王

補世說新語注荀爽曰公旦文王之詩不論堯舜之德而頌文武者親親之道也

喬樅謹據翼奉說亦以此詩爲周公所作呂覽古樂篇云周文王處岐諸侯去殷而翼文王周公旦乃作詩曰文王在上於昭于天周雖舊邦其命維新以繩文王之德與齊詩說同毛詩叙云文王文王受命作周也傳云受天命而王天下制立周邦正義引易是類謀曰文王比隆興始霸伐崇作靈臺受赤雀丹書稱王制命示王意又引易乾鑿度云入戊午部二十九年伐崇作靈臺改正朔布王

號於天下受錄應河圖云云爲證按緯學皆用齊詩知齊說亦以文王爲受命稱王也

周雖舊邦其命維新

禮記大學詩云周雖舊邦其命維新

陳錫載周侯文王孫子文王孫子本支百世

漢書匡衡謝毀廟告子孫本支陳錫無疆

韋元成傳

補漢書王子侯表序詩云文王孫子本支百世

喬樅謹案毛詩陳錫哉周傳云哉載也箋云哉始也釋文云哉本又作載哉載古今字之異春秋傳及國語周語引一作載史記周本紀亦同知三

家詩作載字也胡承珙謂古字哉載栽竝借用此詩當訓哉爲栽栽植也此則與下文本支義相屬其說良臆禮記中庸引詩末章上天之載鄭君注云載讀曰栽謂生物也是用齊詩之訓義與毛異足證載周之載齊詩亦當訓爲栽也

濟濟多士文王以宣

補漢書李尋對問曰馬不伏厯不可曰趨道士不素養不可曰重國詩曰濟濟多士文王以宣

喬樅謹案漢書梅福傳云士者國之重器得士則重失士則輕詩云濟濟多士文王以宣語意與李

尋同知皆本齊詩說也

補鹽鐵論相刺篇朝無忠臣者政闇大夫無直士者位危詩云濟濟多士意者誠任用其計非苟陳虛言而已
穆穆文王於緝熙敬止

補禮記緇衣大雅曰穆穆文王於緝熙敬止○鄭注緝熙皆明也言於明明乎敬其容止

喬樅謹案穆穆文王又見大學篇引詩

侯服于周天命靡常殷士膚敏裸將于京

補春秋繁露堯舜湯武篇天之生民非爲王也而天立王以爲民也故其德足以安樂民者天予之其惡足自

賊害民者天奪之詩云殷士膚敏裸將于京侯服于周
天命靡常言天之無常予無常奪也

補易林師之觀膚敏之德

補漢書叙傳不疑膚敏。○劉德曰膚美也敏疾也。○師
古曰詩大雅文王之篇曰殷士膚敏謂微子也故引以
爲辭

喬樅謹案毛傳云殷士殷侯也以殷士爲微子毛
無明文此出三家詩說見漢書劉向傳白虎通及
趙岐孟子注師古蓋襲漢書舊注之語也

無念爾祖聿修厥德

漢書匡衡上疏曰大雅曰無念爾祖聿修厥德孔子著之孝經首章蓋至德之本也

喬樅謹案漢書枕文志云少府后蒼諫大夫翼率並傳孝經各自名家經文皆同匡衡事后蒼受齊詩此稱大雅文王詩證以孝經蓋卽述其師說也

自求多福

補禮記禮器鄭注詩云自求多福福由己耳

殷之未喪師克配上帝儀鑒于殷峻命不易

補禮記大學詩云殷之未喪師克配上帝儀鑒于殷峻命不易。鄭注師衆也克能也峻大也言殷王帝乙以

上未失其民之時德亦有能配天者調天享其祭祀也
及紂爲惡而民怨神怒以失天下監視殷時之事天之
大命持之誠不易也

喬樅謹案毛詩儀鑒作宜鑒峻命作駿命文與齊
異詩箋訓駿命不易爲天之大命不可改易義亦
與齊詩不同

漢書翼奉上疏曰臣聞三代之祖積德以王然皆不過
數百年而絕周至成王有上賢之材因文武之業以周
召爲輔有司各敬其事在位莫非其人天下甫二世耳
然周公猶作詩深戒成王以恐失天下其詩則曰殷之

未喪師克配上帝宜鑒于殷駿命不易

喬樅謹案翼氏引齊詩宜當作儀駿當作峻此蓋後人轉寫依毛詩改之

上天之載無聲無臭

補禮記中庸詩云上天之載無聲無臭○鄭注載讀曰裁謂生物也上天之造生萬物人無聞其聲音亦無聞其臭氣者

喬樅謹案載魯詩作絳廣雅訓絳爲事與毛傳載事也文異義同鄭君禮注讀載爲裁從齊詩故傳也

補荀悅漢紀六詩云上天之載無聲無臭

儀刑文王萬國作孚

補禮記緇衣大雅曰儀刑文王萬國作孚。鄭注刑法也孚信也儀法文王之德而行之則天下無不爲信者也

補漢書刑法志詩曰儀刑文王萬邦作孚。師古曰大雅文王之詩也孚信也言法象文王則萬國皆信順也。喬樅謹案禮記引作萬國是齊詩之文毛詩國作邦漢書刑法志引詩當本作國師古注言萬國皆信順是其明證邦字乃後人順毛所改耳

大明

詩汜麻樞曰午亥之際爲革命亥大明也

又曰大明在亥水始也

天難謚斯不易惟王

補春秋繁露天地陰陽篇詩云天難謚斯不易惟王夫

王者不可以不知天知天詩人之所難也天意難見也

其道難理

按春秋繁露篇中多有錯簡此節舊本在如天之爲篇武進張編修惠言讀本訂正舛誤

以爲宜在天地陰陽篇

補漢書貢禹奏言曰天生聖人蓋爲萬民非獨使自娛

樂而已也故詩曰天難謚斯不易惟王上帝臨女毋貳

爾心

喬樅謹案諶韓詩作訖見外傳毛詩作忱毋毛詩作無貢禹所引詩作諶與董子合蓋據齊詩也經興釋文云始貢禹事嬴公而成於眭孟嬴公爲董仲舒弟子眭孟又嬴公之弟子也今攷禹言古者宮室有制宮女不過九人與郎顗說合又奏欲定宗廟迭毀之禮與翼奉匡衡合皆足爲少翁治齊詩之證

大任有身生此文王

詩含神霧曰大任夢長人感已生文王

太平御覽
八十四

方國

惟此文王小心翼翼昭事上帝聿懷多福厥德不回以受
補禮記表記詩云惟此文王小心翼翼昭事上帝聿懷
多福厥德不回以受方國。注昭明也上帝天也聿述
也懷至也言述行上帝之德以至於多福也方四方也
受四方之國調王天下

喬樅謹案鄭君箋詩訓懷爲思與此義異

補漢書董仲舒對策曰言出於已不可塞也行發於身
不可掩也言行治之大者君子之所以動天地也故盡
小者大慎微者著詩云惟此文王小心翼翼

補春秋繁露郊祭篇詩云唯此文王小心翼翼昭事上帝允懷多福多福者非謂人也事功也謂天之所福也喬樅謹案此引詩作允懷多福聿允一聲之轉古以音近通假十月之交詩中允膳夫漢書古今人表作仲術文王詩聿修厥德漢書東平王宇傳作述修其證也此句諸所引三家詩如劉向新序蔡邕答齊議高誘淮南注並同毛詩作聿懷惟班固明堂詩有允懷多福之語然觀典引云蓋用昭明寅畏承聿懷之福足證孟堅所據齊詩文本作聿懷多福也春秋繁露引詩允當作聿爲正

文王初載

補禮記中庸鄭注栽讀如文王初載之載栽猶植也

喬樅謹案毛傳云載識也據鄭君此注則是讀載同栽與毛義異馬瑞辰曰中庸引詩上天之載鄭注讀載曰栽謂生物也載之得訓爲生卽此可見載才古亦通用載訓生爲人物之始猶哉通才爲草木之始始卽生也文王初載卽謂文王初生耳在仍之陽

補漢書地理志左馮翊郃陽○師古曰卽大雅大明之詩所謂在治之陽

喬樅謹案據此知齊詩之文治陽作郇旁從邑不
從水也說文郇下亦引詩在郇之陽

文定厥祥

補易林萃之噬嗑文定吉祥

造舟爲梁

補班固辟雍詩造舟爲梁

續女惟莘

補易林大壯之隨有莘李女爲王妃后貴夫壽子母尊
四海

喬樅謹案毛傳續繼也箋云使繼大任之事於莘

國馬瑞辰曰纘當爲嬪字之段借說文嬪白好也
廣雅釋詁嬪好也廣韻嬪好容貌女之美色爲好
美德亦爲好嬪女謂好女猶言淑女碩女靜女皆
美德之稱詩言莘國有好女倒其文則曰纘女維
莘以與長子維行相屬對耳樅調毛傳以長子爲
長女今據易林語則太妣乃有莘季女也竊意齊
詩說當以長子爲文王纘女惟莘長子惟行言太
妣之德與文王相配猶上章言太任德配王季云
乃及王季惟德之行也易云帝出乎震又云震爲
雷爲長子書洪範五行傳曰夫雷人君象也又曰

雷於天地爲長子以其首長萬物與其出入也文
王爲王季長子生有聖德爲天所命將君天下是
卽爲天之長子故詩云有命自天命此文王于周
于京而莘國之女德實與文王配又生武王復爲
天之所命故下又云纘女惟莘長子惟行篤生武
王保佑命爾也

篤生武王

補易林臨之旅天所祚昌文以爲良篤生武王姬受其
福

矢於牧野

補易林謙之噬嗑周師伐紂戰於牧野甲子平旦天下

悅喜

又復卦同

上帝臨女無二爾心

補春秋繁露天道無二篇一而二者天之行也人孰無善善不一故不足以立身治孰無常常不一故不足以立功詩云上帝臨汝無二爾心知天道者之言也

喬樅謹案貢禹傳引詩作上帝臨女無貳爾心毋與無貳與二古皆通用字

惟師尙父時惟鷹揚

補易林旅之鼎文君燎獵呂尙獲福號稱太師封建齊

國

喬樅謹案毛傳云師大師也尙父可尙可父正義引劉向別錄曰師之尙之父之故曰師尙父今據易林言呂尙獲福號稱太師則知齊說以尙父爲呂望字詩連師稱之猶太師皇父之屬耳與毛傳及魯說異馬瑞辰曰父與甫同男子之美稱也宣和博古圖載周淮父自銘曰穆從師淮父又曰對揚師淮父正與師尙父之稱相同

補班固封燕然山銘鷹揚之校

喬樅謹案毛傳云鷹揚如鷹之飛揚也今據班固

此銘以鷹揚之校與螭虎之士對舉是以鷹揚爲
二鳥班用齊詩故說與毛異馬瑞辰曰孫氏星衍
云揚當讀如爾雅鷩白鷩之鷩調如鷹與鷩作揚
者消借字耳今按後漢書高彪作箴曰尙父七十
氣冠三軍詩人作歌如鷹如鷩鷩與鷩白鷩同類
似亦分鷹揚爲二鷹揚猶云鷹鷩則古之說詩者
蓋已以揚爲鷩之段借矣

縣

縣縣瓜瓞民之初生

詩含神霧曰集微揆著上統元皇下序四始羅列五際

○宋均曰集微揆著若縣縣瓜瓞人之初生揆其始是必將至著有天下也

初學記二十一文部

喬樅謹案民此引作人蓋唐時避太宗諱改之太平御覽六百學部引含神霧同說詳詩緯集證

自杜沮漆

漢書地理志右扶風杜陽杜水南入渭詩曰自杜○師古曰天雅縣之詩曰人之初生自杜漆沮齊詩作自杜言公劉避狄而來居杜與沮漆之地

喬樅謹案毛詩自土沮漆傳云自用土居也齊詩作杜與沮漆並爲地名攷水經渭水注云杜水出

杜陽山其水南流謂之杜陽川東南流左會漆水
卽此詩之杜也毛詩自土當從齊詩讀爲杜古字
段借耳又詩攷載漢書注引詩自杜沮漆今本漢
書注譌作漆沮非是王氏經義述聞云六書音均
表調沮漆當從水經注漢書注作漆沮而以沮與
父爲韻今按釋文作音先沮而後漆唐石經亦作
沮漆續漢書郡國志注北堂書鈔地部文選注禹
貢正義引詩並同又太平御覽地部三十引水經
注正作沮漆胡三省通鑑周紀注引地理志注亦
作沮漆其有作漆沮者傳寫顛倒耳

古公亶父來朝走馬率西水滸至于岐下爰及姜女聿來胥宇

補漢書古今人表太王亶父公祖子姜女太王妃

補易林升之艮西戎獯鬻病于我國杖策之岐以保乾德

漢書匡衡上疏曰太王行仁邠國貴恕

補禮記哀公問鄭注大王居豳爲狄所伐乃曰土地所以養人也君子不以其所養害所養乃去之岐不忍以土地之故而害之去之岐而王迹興焉

周原膺膺董荼如飴

黿 儀禮特牲饋食禮鄭注苦苦茶也音董屬詩云周原
膾膾董茶如飴

爰摯我龜

班固幽通賦且算祀於摯龜○師古曰摯刻也詩大雅
縣之篇曰爰摯我龜言刻開之灼而卜之

喬樅謹案毛詩釋文云契本又作摯師古此注亦
襲舊說用齊詩之訓廣雅釋言契刻也淮南子齊
俗篇越人契臂出血高誘注云契刻臂出血是契
又與梁通毛傳訓契爲開當亦謂刻開其龜正義
引卜師開龜注云開謂出其占書也恐非毛義

縮板以載

補禮記檀弓鄭注板蓋廣二尺長六尺詩云縮板以載
喬樅謹案板毛詩作版此載字亦當讀爲栽馬瑞
辰曰說文栽築牆長版也引春秋傳楚圍蔡里而
栽又春秋莊二十九年左傳水昏正而栽杜注於
是樹版而興作中庸栽者培之鄭注讀如文王初
載之載今人名草木之植曰栽築牆立版亦爲栽
是知栽卽栽也栽調樹立其築牆長版也詩箋訓
載爲承載之載失之

乃立臯門臯門有仇乃立應門應門將將

補禮記明堂位鄭注天子五門畢車雉應路畢之言高也詩云乃立皋門皋門有伉乃立應門應門將將

喬樅謹案班固西都賦激神嶽之將將李善文選注引毛詩曰應門將將毛字疑誤毛詩作將將魯詩作鏘鏘其作將將者蓋齊詩之異文孟堅語本齊詩齊詩久亡李善所據當是舊注之文引齊詩以爲證耳禮記注引作將將疑又後人順毛而改也

乃立冢土

補漢書郊祀志詩曰乃立冢土

犬夷突矣惟其咽矣

補說文口部東夷謂息曰咽詩曰犬夷咽矣

喬樅謹案毛詩混夷駮矣維其喙矣傳云駮突也喙困也魯靈光殿賦張載注引詩昆夷突矣駮突古今文之異知三家今文駮作突也混夷卽犬夷亦作吠夷尙書大傳云文王受命四年伐犬夷鄭注云犬夷混夷也喙咽方音之轉方言餽喙咽息也自關而西秦晉之間或曰喙或曰餽東齊曰咽段氏說文注云釋詁郭注亦言今東齊謂息爲咽說文東夷當作東齊字之誤也馬瑞辰曰說文所

引犬夷咽矣蓋本齊詩咽與喙古音同部故通用
喙與殫殫字亦通玉篇殫困極也或作殫殫困極
也亦作喙廣韻喙困極也引詩昆夷殫矣本亦作
喙困與息義正相成咽卽維其喙矣之異文其連
犬夷引之者特約舉詩詞猶引詩東方昌矣之類
也

補漢書匈奴傳夏道衰而公劉失其稷官變于西戎邑
于豳其後三百有餘歲戎狄攻大王亶父亶父亡走于
岐下邠人悉從而邑焉作周其後百有餘歲周西伯昌
伐畎夷

虞芮質厥成文王蹶厥生

漢書古今人表虞侯芮侯系文王世。師古曰二國訟田質於文王者

喬樅謹案毛詩及三家說並言文王受命據史記云詩人道西伯蓋受命之年稱王而斷虞芮之訟齊詩說以受命六年伐崇始稱王其說與魯家微異

補尚書大傳文王受命一年斷虞芮之訟二年伐邠三年伐密須四年伐犬夷五年伐耆六年伐崇則稱王

左傳

襄三十一年正義○禮記文王世子正義

補又曰虞人與芮人質其成於文王入文王之境則見其人萌讓爲士大夫入其國則見士大夫讓爲公卿二國相謂曰此其君亦讓以天下而不居也讓其所爭以爲閒田

文選注

予聿有胥附予聿有奔輳予聿有先後予聿有禦侮

補尚書大傳周文王胥附奔輳先後禦侮謂之四鄰以免於美里之害

補又曰文王以閔天太公望南宮括散宜生爲四友

補尚書君奭鄭注詩傳有疏附奔走先後禦侮之人而

曰文王有四臣以受命

毛詩正義

喬樅謹案胥附毛詩作疏附奔輳毛詩作奔奏魯
詩作奔走與齊文異鄭注尙書所稱詩傳當爲齊
詩傳以尙書師說本皆齊學也詩正義引鄭注同
毛詩作疏附奔走與大傳不同者此冲遠順毛詩
經文改之非鄭注之舊也

棫樸

芄芄棫樸薪之爇之濟濟辟王左右超之
濟濟辟王左右奉璋奉璋戔戔髦士攸宜
濟彼涇舟烝徒楫之周王于邁六師及之

補春秋繁露郊祭篇天子每將興師必先郊祭以告天

乃敢征伐行子之道也文王受天命而王天下先郊乃
敢行事而與師伐崇其詩曰芃芃棫樸薪之爇之濟濟
辟王左右趙之濟濟辟王左右奉璋奉璋戔戔髦士攸
宜此郊辭也其下曰淠彼涇舟烝徒櫜之周王于邁六
師及之此伐辭也其下曰文王受命有此武功既伐于
崇作邑于豐以此辭者見文王受命則郊郊乃伐崇

又曰

以下舊錯在四祭篇按此皆論郊與四祭無涉今訂在此

已受命而王必先祭

天乃行王事文王之伐崇是也詩云濟濟辟王左右奉
璋奉璋戔戔髦士攸宜此文王之郊也其下之辭曰淠
彼涇舟烝徒櫜之周王于邁六師及之此文王之伐崇

也上言奉璋下言伐崇以是見文王之先郊而後伐也
喬樅謹案毛詩叙云械樸文王能官人也董子謂
此篇爲文王受命郊而伐崇之事是齊詩之說異
於毛矣傳以械樸薪樵興賢人衆多得爲國家之
用箋釋薪之樵之爲祭皇天上帝及三辰則聚積
以燎之主祭天而言與春秋繁露合蓋用齊說改
毛也周官大宗伯注云樵積也燔燎而升煙所以
報陽也詩曰薪之樵之尙書中候文立稷配注云
文王受命祭天立稷以配之皆用齊詩說與董子
足相證明又公羊定公八年傳何休解詁云璋者

所以郊事天詩云奉璋戕戕髦士攸宜是也邵公

多用魯詩

說見魯詩
遺說考

此以璋爲郊事天之玉者公

羊本齊學與齊詩同一師授此必公羊家師說據
齊詩棧樸篇爲證故邵公述其說耳

補班固典引昔姬有素雉朱鳥元秬黃蓼之事耳君臣
動色左右相趨濟濟翼翼峨峨如也蓋用昭明寅畏承
聿懷之福亦以寵靈文武貽燕後昆覆以懿鑠

喬樅謹案昭明文選以班固典引列符命今觀上
文言燔瘞懸沈肅祇羣神之禮備詳其文義亦以
此詩爲受命郊祭之事也

旱麓

補漢書地理志漢中郡南鄭縣旱山沱水所出東北入漢

喬樅謹案毛傳云旱山名正義不詳旱山所在據地理志則山在漢中郡詩之旱麓謂此也胡承珙曰劉昭注郡國志引華陽志云有池水從旱山來水經沔水注南鄭縣漢水右合池水水出旱山此池水卽班志之沱水也水經又云沔水東過魏興安陽縣南沔水出自旱山北注之又沔水篇云沔水出漢中南鄭縣東南旱山北至安陽縣南入于

沔是水經池水沔水所出之阜山同一山耳

鳶飛戾天魚躍于淵

補禮記中庸詩云鳶飛戾天魚躍于淵○**鄭注**言聖人之德至于天則鳶飛戾天至于地則魚躍于淵是其明著于天地也

喬樅謹案此言道被飛潛萬物得所之象詩箋以鳶飛喻惡人遠去魚躍喻民喜得所與禮記注義異

莫莫葛藟施于條枚凱弟君子求福不回

補禮記表記詩云莫莫葛藟施于條枚凱弟君子求福

不回。鄭注：凱樂也。弟，易也。言樂易之君子其求福修德以俟之不爲回邪之行要之如葛藟之延蔓于條枚是其性也。

喬樅謹案：毛詩釋文豈本亦作愷，又作凱。弟本又作悌。詩箋以不回爲不違先祖之道，義與記注不同。

思齊

思齊大任文王之母

大姒嗣徽音則百斯男

補易林損之巽大姒文母仍生聖子昌發受命爲天下

主

補又頤之節文王四乳仁愛篤厚子畜十男無有折夭

益卦

同

補儀禮士昏禮鄭注勉卽婦道以敬其爲先妣之嗣詩

云大姒嗣徽音

補漢書古今人表大任王季妃生文王太姒文王妃

補又外戚傳自古受命帝王及繼體守文之君非獨內

德茂也蓋亦有外戚之助焉周之興也呂姜嫄及大任

太姒而幽王之禽也淫褒姒

刑于寡妻至于兄弟以御于家邦

補漢書五行志上文王刑于寡妻此聖人之所以昭教化也

補三國志魏志陳羣曰道自近始而化洽于天下詩云刑于寡妻至于兄弟以御于家邦

喬樅謹案經典釋文叙錄云後漢陳元方亦傳齊詩羣爲元方之子當亦傳其家學也

補荀悅漢紀五天婦之際人道之大倫也詩稱刑于寡妻至于兄弟以御于家邦

皇矣

皇矣上帝臨下有赫鑒觀四方求民之瘼

漢書班彪王命論詩云皇矣上帝臨下有赫鑒觀四方
求民之莫

案文選齊安陸昭王碑文慮深求瘼李善注云漢書
引詩而爲此瘼叔皮所引是齊詩之文今本漢書作
莫蓋後人依毛詩改之耳

廼眷西顧此維予宅

補漢書郊祀志詩曰廼眷西顧此維予宅言天以文王
之都爲居也

喬樅謹案志載丞相衡奏言承天之事莫重于郊
祀昔者周文武郊於豐鎬成王郊於雒邑由此觀

之天隨王者所居而饗之可見也願與羣臣議定
博士師丹等曰爲天地曰王者爲主故聖王制祭
天地之禮必於國郊長安聖主之居皇天所觀視
也於是衡奏議引詩云云謂宜於長安定南北郊
爲萬世基則此說詩之詞本於后氏故傳明矣丹
事匡衡亦治齊詩者故議與匡同予宅毛詩作與
宅與蓋古文假借字

補班固西都賦乃眷西顧實惟作京

莫其德音其德克明克明克類克長克君王此大邦克順
克俾俾于文王其德靡悔旣受帝祉施于孫子

補禮記樂記詩云莫其德音其德克明克明克類克長克君王此大邦克順克俾俾于文王其德靡悔既受帝祉施于孫子○鄭注俾當爲比聲之誤也擇善而從之曰比施延也言文王之德皆能如此故受天福延于後世也

喬樅謹案莫毛詩作貊俾毛詩作比左傳引詩莫其德音史記樂書引詩俾于文王皆與禮記同據注言文王之德皆能如此是知齊詩章首作惟此文王鄭箋毛詩本文王作王季與左傳所引文異正義以傳言唯此文王者師有異讀後人因之不

敢追改今王肅注及韓詩亦作文王是異讀之驗
陳氏稽古編曰案此當以作文王者爲正此經毛
無傳王肅述毛者也而注爲文王則毛本作文王
可知胡承珙曰陳碩甫據公劉傳言民無長歎猶
文王之無悔此毛詩作文王之證鄭箋以文王爲
王季或古本此句有涉上章維此王季而誤者案
中論務本篇云詩陳文王之德曰惟此文王是所
據詩亦作文王至于寶晉紀總論云至于王季能
猶其德音則從鄭箋讀也

補班固叙傳奕世載德馳于孫子

喬樅謹案施鮑古通用字音義並同

無然畔換

補漢書叙傳項氏畔換。○孟康曰畔反也換易也。○師古曰此說非也畔換強恣之貌猶言跋扈也詩大雅皇矣篇曰無然畔換

喬樅謹案毛詩畔換作畔援傳云無是畔道無是援取孟康注蓋本齊詩之訓師古不見齊詩故以孟說爲非釋文引韓詩云畔援武強也玉篇伴字下引詩云無然伴換伴換猶跋扈也此據魯詩文鄭箋云畔援猶跋扈也卽用魯訓

無然歆羨

補漢書叙傳事雖歆羨

密人不恭敢距大邦

漢書地理志安定郡陰密詩密人國○師古曰卽大雅所云密人不恭敢距大邦者

喬樅謹案地理志河南郡密注云故國應劭曰密人不恭密須氏姑姓之國也臣瓚曰密姬姓之國也見世本密須今安定陰密是也師古曰應瓚二說皆非也此密卽春秋僖六年圍新密者蓋鄭地今按應劭說非而瓚說則是也孟堅明以密爲故

國師古乃以鄭邑新密當之誤矣

王赫斯怒爰整其旅

補春秋繁露楚莊王篇詩云王赫斯怒爰整其旅當是時紂爲無道諸侯大亂民樂文王之怒而詠歌之也

補漢書叙傳爰赫斯怒

予懷明德不大聲以色

補禮記中庸詩云予懷明德不大聲以色○鄭注予我也懷歸也言我歸有明德者以其不大聲爲嚴厲之色以威我也

喬樅謹案毛傳云不大聲見於色訓義亦同卽不

陵弱不暴寡之意也

不識不知順帝之則

補春秋繁露煖燠篇詩云不識不知順帝之則言弗能知識而效天之所爲云爾

喬樅謹案墨子天志篇曰不識不知順帝之則此誥文王之以天志爲法也與董子說同賈子新書君道篇以此詩二語爲言士民悅其德義則效而象之其義獨異

帝謂文王詢爾仇方同爾弟兄以爾鉤援與爾臨衝以伐崇墉

後漢書伏湛上疏曰臣聞文王受命而征伐五國必先
詢之同姓然後謀于羣臣加占蓍龜以定行事故謀則
成卜則吉戰則勝其詩曰帝謂文王詢爾仇方同爾弟
兄以爾鉤援與爾臨衝以伐崇墉崇國城守先退後伐
所以重人命俟時而動故參分天下而有其二

喬樅謹案齊詩說言文王受命而征伐五國攷尙
書大傳云文王受命一年斷虞芮之訟二年伐邠
三二年伐密須四年伐犬夷五年伐耆六年伐崇是
其事也史記周本紀先伐犬夷次伐密次敗耆國
次伐邠次伐崇雖其年與書傳不次要亦爲五國

也又伏惠公引詩同爾弟兄毛詩作兄弟此後人
轉寫誤倒之當從齊詩作弟兄與上句仇方爲韻
段氏詩經小學曰按王逸九辯注內念君父及弟
兄也與上文長王煌黨並湯韻今譌爲兄弟則非
韻矣

補禮記明堂位鄭注崇國名文王伐崇

臨衝閑閑

漢書叙傳衝朝閑閑○鄧展曰朝兵車名也

喬樅謹案詩臨衝閑閑毛傳訓臨爲臨車衝爲衝
車韓詩臨衝作隆衝惠氏九經古義段氏詩經小

學並以隆爲高言陷陣之車隆然高大也毛訓臨
衝爲二非馬瑞辰曰按墨子備城篇言攻城十二
法首列臨鉤衝梯是臨衝二者不同之證韓詩作
隆衝者以臨隆二字雙聲古通用故隆衝又作衝
隆淮南子兵畧篇故攻不待衝隆雲梯而城拔是
也當以傳訓作二車爲確槩攷鹽鐵論亦云衝隆
不足爲強如以隆訓高不作車名則衝隆二字爲
不辭矣班固叙傳云衝輶閑閑此卽以輶當詩之
臨後漢書光武紀衝輶撞城章懷注引許慎曰輶
樓車也今本說文樓車作兵車淮南子云隆衝以

攻高蓋樓車高足以臨敵城而攻之故亦名臨車
詩正義調臨者在上臨下之名衝者從旁衝突之
稱兵書有作臨車衝車之法其說是也

是類是禡

補五經異義今尙書夏侯歐陽說類祭天名地也以事
類祭之天位在南方就南郊祭之是也太平御覽五百二十七郊類

喬樅謹案今文尙書爲齊學則此亦齊詩說也

補漢書叙傳類禡厥宗

靈臺

詩汜麻樞曰靈臺候天意也經營靈臺天下附也太平御覽

五百〇說詩
詩緯集證

補許氏五經異義公羊說天子三臺諸侯二天子有靈臺以觀天文有時臺以觀四時施化有囿臺以觀鳥獸魚鼈諸侯當有時臺囿臺諸侯卑不得觀天文無靈臺皆在國之東南二十五里東南少陽用事萬物著見二十五里者吉行五十里朝行暮反也

補何休公羊傳解詁禮天子有靈臺以候天地諸侯有時臺以候四時。徐彥疏文王受命後乃築靈臺也

經始靈臺經之營之庶民攻之不日成之經始勿亟庶民
子來

詩含神霧曰作邑于豐起靈臺

毛詩正義

補易林夬之頤二至靈臺文所止遊雲物備具長樂無

憂

補又升之節靈臺觀賞膠鼓作仁

班固東都賦登靈臺考休徵○又靈臺詩乃經靈臺靈

臺既崇帝勤時登爰考休徵

補鹽鐵論未通篇夫牧民之道除其所疾適其所安安而不擾使而不勞故取而民不厭役而民不苦靈臺之詩非或使之民自爲之若斯則君何不足之有乎

補儀禮士喪禮鄭注營猶度也詩云經之營之

王在靈囿

班固西都賦誼合乎靈囿

王在靈沼

補班固西都賦神池靈沼往往而在

於樂辟雍

補班固東都賦辟雍海流道德之富○辟雍詩迺流辟雍辟雍湯湯

喬樅謹案三輔黃圖云辟雍水四周於外象四海也義蓋本之齊詩

下武

成王之孚下土之式

補禮記緇衣天雅曰成王之孚下土之式。鄭注孚信也式法也

媚茲一人應侯順德永言孝思昭哉嗣服

補大戴禮將軍文子篇詩云媚茲一人應侯順德永言孝思孝思維則故國一逢有德之君世受顯命不失厥名以御于天子以申之。盧辯注大雅下武之四章也媚茲一人謂御于天子而蒙寵愛應侯順德逢國君能成其德孝思維則此文在上章兼以說之故連言之也

喬樅謹案大戴禮引詩當本作永言孝思昭哉嗣

服觀下文云世受顯命不失厥名正申明昭哉嗣服之詞然則作孝思維則者乃後人傳寫之誤耳

補漢書叙傳娼茲一人

文王有聲

吹求厥宣

補說文欠部吹詮詞也詩曰吹求厥宣

喬樅謹案廣雅釋詁吹詞也漢書班固幽通賦吹中嗣爲庶幾兮注云吹古聿字據此是吹爲正字又文省作曰又同聲假借用聿與通毛詩釋文於通駿下不言韓詩字異則文與毛同可知說文所

引是據齊詩詮詞者承上文所發端詮而繹之也
高誘注淮南詮言訓云詮就也亦謂就其言而解
之也馬瑞辰曰按爾雅坎律銓也坎當卽坎字形
近之譌律卽聿也銓卽詮也皆段借字耳

文王受命有此武功既伐于崇作邑于豐

補春秋繁露楚莊王篇制爲應天改之樂爲應人作之
彼之所受命者必民之所同樂也是故作樂者必反天
下之所始樂於己以爲本文王之時民樂其興師征伐
也故武者伐也詩云文王受命有此武功既伐于崇
作邑于豐樂之風也周人德已洽天下反本以爲樂謂

之大武言民所始樂者武也云爾故凡樂者作之於終而名之以始重本之義也

補又郊祭篇文王受天命而王天下先郊乃敢行事而興師伐崇其詩曰文王受命有此武功既伐于崇作邑于豐

補鹽鐵論復古篇文王受命伐崇作邑于豐武王繼之載尸以行破商擒紂遂成王業故志大者遺小用權者離俗

匪草其猶聿追來孝

補禮記禮器詩云匪草其猶聿追來孝○鄭注草急也

猶道也聿述也言文王之改作者非必欲行己之道乃追述先祖之業來居此爲孝

喬樅謹案毛詩聿作棘猶作欲聿作通釋文云本作匪亟其慾草棘亟古並通用猶古亦通欲盧文弼云周禮小行人猶犯令者爲一書大戴禮作欲是其驗也通聿古今字後漢書李固傳亦作聿追來孝

鎬京辟雍自西自東自南自北無思不服

補大戴禮曾子大孝篇詩云自西自東自南自北無思不服

喬樅謹案禮記祭義引詩文同

補鹽鐵論繇役篇文王底德而懷四夷詩云鎬京辟雍
自西自東自南自北無思不服武王之伐殷也執黃鉞
誓牧之野天下之士莫不願爲之用

補班固東都賦御明堂臨辟雍

補漢書孝平紀贊亡思不服

喬樅謹案亡當作無

考卜惟王度是鎬京惟龜正之武王成之

補禮記坊記詩云考卜惟王度是鎬京惟龜正之武王
成之○鄭注度謀也鎬京鎬宮也言武王卜而謀居此

鎬邑龜則吉兆正之武王築成之

喬樅謹案度毛詩作宅宅與度古同音段借字皇
矣此惟與宅論衡初稟篇引作度宅亦度之段借
也

豐水有芭武王豈不仕詒厥孫謀以燕翼子武王烝哉

補禮記表記詩曰豐水有芭武王豈不仕詒厥孫謀以
燕翼子武王烝哉○鄭注芭枸櫞也仕之言事也詒遺
也燕安也烝君也言武王豈不念天下之事乎如豐水
之有芭矣乃遺其後世之子孫以善謀以安翼其子也
君哉武王美之也

喬樅謹案晏子春秋內篇諫下引詩作武王豈不
事詒厥孫謀以宴翼子仕者事之段借字燕與宴
古相通用後漢書班彪傳引亦作宴宴亦安也翼
毛詩傳箋並訓爲敬與此注義異左傳文三年引
詩以燕翼子杜注曰翼成也表記正義申鄭說云
翼助也謂以王業保安翼助其子孫翼助卽翼成
之義詒厥孫謀詩箋云孫順也讀孫爲遜義與記
注不同詩釋文云孫王申毛如字鄭音遜胡承珙
曰據班彪引詩詒厥孫謀以燕翼子言武王之謀
遺子孫也此尤可爲孫讀如字之證

補後漢書班彪上言曰昔成王之爲孺子出則周公召公太史佚入則太顛閔夭南宮括散宜生前後禮無違者故成王一日卽位天下曠然太平詩云詒厥孫謀以宴翼子言武王之謀遺子孫也

補班固典引亦以寵靈文武貽燕後昆

齊詩遺說攷卷第三

三之二

福州陳壽祺學

男喬樅述

齊詩大雅二

生民

厥初生民時惟姜嫄

履帝武敏歆

〔五經異義〕詩齊魯韓說聖人皆無父感天而生

毛詩正義

喬樅謹案史記三代世表褚先生引詩傳曰后稷

母姜嫄出見大人蹟而履踐之知於身生后稷索

隱以史所引出詩緯詩正義引河圖云姜嫄履大

人迹生后稷中候稷起云蒼耀稷生感迹昌苗興
云稷之迹乳是諸緯候說並與齊詩同

補漢書叙傳厥初生民

補古今人表姜嫄帝嚳妃生棄

補春秋繁露三代改制質文篇后稷母姜嫄履天之跡
而生后稷后稷長於邰土播田五穀

實穎實栗

補班固西都賦五穀垂穎

喬樨謹案毛傳云穎垂穎也訓義亦同

卽有簠家室

補漢書地理志右扶風釐周后稷所封。師古曰釐讀與邨同

喬樅謹案釐魯詩作台毛詩作邨史記周本紀弃母有邨氏女正義曰邨亦作釐同

惟和惟和

補班固典引晉姬有元和黃葵之事

或春或枕

補儀禮有司徹鄭注挑讀如或春或枕之枕字或作挑者秦人語也今文挑作枕。賈公彥曰讀从詩或春或枕

喬樅謹案周禮地官女春枕二人注云女奴能春
與枕者枕抒白也詩云或春或枕皆據齊詩文也
枕毛詩作掄掄蓋枕之段借馬瑞辰曰說文自抒
曰也引詩或簸或自簸當爲春之譌自或作枕眈是自枕
本一字掄自一聲之轉

取蕭祭脂

補禮記郊特牲鄭注蕭薌蒿也染以脂合黍稷燒之詩
云取蕭祭脂

后稷兆祀庶無罪悔以迄于今

補禮記表記詩云后稷兆祀庶無罪悔以迄于今○鄭

注兆郊之祭處也迄至也言祀后稷于郊以配天庶以
其無罪悔乎福祿傳世以至于今

喬樅謹案兆毛詩作肇字與齊異上文以歸肇祀
毛傳訓肇爲始箋云肇郊之神位也讀肇爲兆是
據齊詩易毛肇者古文段借字商頌肇域彼四海
箋云肇當作兆此不言者文畧耳周官小宗伯兆
五帝于四郊注云兆爲壇之管域說文作埧段氏
注云今周禮作兆許作埧蓋故書今書之不同也
又尙書大傳兆十有二州古文堯典作肇此古文
段借之驗

行葦

補班彪北征賦慕公劉之遺德及行葦之不傷

喬樸謹案據此知齊詩說亦以行葦爲公劉之詩

與魯韓同義

洗爵奠斚

補禮記明堂位鄭注罍畫禾稼也詩曰洗爵奠斚

既醉

既醉以酒既飽以德

補禮記坊記詩云既醉以酒既飽以德○鄭注言君子

饗燕非專爲酒肴亦以觀威儀講德美

朋友攸攝攝以威儀

補禮記緇衣詩云朋友攸攝攝以威儀。鄭注攸所也言朋友以禮義相攝

孝子不匱

補禮記坊記詩云孝子不匱。鄭注匱乏也孝子無乏止之時

鳬鷖

鳬鷖在涇公尸來燕來甯公尸燕飲福祿來成

補易林大有之離鳬鷖遊涇君子以甯復德不愆福祿

來成

夬之蒙同惟復德作履德爲異

喬樅謹案毛詩箋云祭祀既畢明日又設禮而與尸燕是以公尸燕飲爲釋而賓尸攷爾雅釋又祭也周曰釋商曰彤夏曰復昨此云復德卽復昨之義

鳧鷖在渚公尸來燕來處 公尸燕飲福祿來下

補易林噬嗑之中孚璫英朱草仁政得道鳧鷖在渚福祿來下

補又同人之剝文山紫芝雍梁朱草長生和氣王以爲寶公尸侑食福祿來處

補又蠱之渙紫芝朱草生長和氣公尸侑食福祿來下

喬樅謹案此詩公尸鄭箋以首章爲祭宗廟次章爲祭四方萬物三章爲祭天地四章爲祭山川社稷末章爲祭七祀宋儒譏其臆說然據毛詩叙云太平之君子能持盈守成神祇祖考安樂之也以神祇與祖考並舉則毛釋此詩斷非專指宗廟而言詩正義申毛以五章皆屬宗廟失之矣鄭君于詩兼通三家箋說以鳧鷖五章分配宗廟天地社稷及四方羣祀必非無據馬瑞辰傳箋通釋以爲古者祭天地社稷雖皆有尸然不聞有賓尸之禮釋而賓尸惟於宗廟見之決此詩爲宗廟釋祭樅

謂馬說亦未審周頌絲衣序云繹賓尸也高子曰
靈星之尸也正以序言賓尸不明爲何祭之尸故
特著此語杜佑通典引劉向五經通義曰靈星爲
立尸故云絲衣其紕會弁俵俵言王者祭靈星公
尸所服之衣也是子政亦以絲衣賓尸卽爲靈星
之尸攷史記封禪書云漢興八年或曰周興而邑
郃立后稷之祠至今血食天下於是高祖制詔御
史其令郡國縣立靈星祠常以歲時祠以牛糝漢
書祭祀志云言祠后稷而謂之靈星者以后稷又
配食星也舊說星謂天田星也張晏曰龍星左角

曰天田卽農祥也晨見而祭之又古今注云元和
三年初爲郡國立稷及祠社靈星禮器是古者靈
星之祀與社稷爲類祭靈星有繹賓尸之禮則祭
天地社稷及方祀羣祀之皆有賓尸亦足以明矣
今按易林有瑀英朱草仁政得道之文是蓋以王
者德至天地天下太平符瑞並臻則三章鳧鷖在
渚之爲祭天地此亦其確證也

嘉樂

嘉樂君子憲憲令德宜民宜人受祿于天保佑命之自天
申之

補禮記中庸詩曰嘉樂君子憲憲令德宜民宜人受祿于天保佑命之自天申之。鄭注憲憲與盛之貌保安也佑助也

喬樸謹案孔氏正義云毛詩本文憲憲爲顯顯與此不同者齊魯韓詩與毛詩不同故也陸氏釋文云嘉詩本作假音同假嘉也皇音加善也又佑字毛詩作右

補漢書董仲舒對策曰詩云宜民宜人受祿于天爲政而宜于民者固當受祿于天夫仁義禮知信五常之道王者所當修飾也五者修飾故受天之佑而享鬼神之

靈德施于方外延及羣生也

補漢書刑法志詩云宜民宜人受祿于天書曰立功立事可曰永年言爲政而宜於民者功成事立則受天祿而永年命所謂一人有慶萬民賴之者也

千祿百福子孫千億

補後漢書郎顗拜章曰天自降福子孫千億

補易林比之泰長生無極子孫千億

穆穆煌煌

補班固明堂詩穆穆煌煌

喬樞謹案煌煌毛詩作皇皇

不騫不忘率由舊章

補春秋繁露郊語篇詩云不騫不忘率由舊章舊章者先聖人之故文章也率由各有修從之也

喬樅謹案騫與愆通見文選劉越石扶風歌李善注毛詩作愆劉向說苑引詩又作憊攷釋元應衆經音義云憊古文憲邈二形猶文作誓今作愆又列子黃帝篇无愆釋文云愆本又作騫是愆騫通用之證

威儀抑抑德音秩秩無怨無惡率由仇匹

補春秋繁露楚莊王篇百物皆有合偶偶之合之仇之

匹之善矣詩云威儀抑抑德音秩秩無怨無惡率由仇匹此之謂也

喬樅謹案仇匹毛詩作羣匹與齊詩文異

受福無疆

補漢書禮樂志受福無疆

不解于位民之攸暨

補漢書五行志中之上詩曰不解于位民之攸暨

公劉

補易林家人之臨節情省欲賦斂有度家給人足公劉以富

廼積廼倉廼裹餼糧于橐于囊

補鹽鐵論取下篇公劉好貨居者有積行者有囊

弓矢斯張

補易林大壯之明夷弓矢斯張

幽居允荒

補漢書匈奴傳夏道衰公劉失其稷官變于西戎邑于

豳

補易林升之泰公劉之居大王所業

芮阮之卽

漢書地理志右扶風汧本注雍州汧水出西北入渭芮

水出西北東入涇詩芮隄雍州川也

喬樸謹案詩釋文云芮鞠本又作汭周禮職方氏注引詩正作汭隄之卽師古漢書注云隄讀與鞠同韓詩作芮隄然則韓與齊文同矣周禮注所引蓋據魯詩陳氏見洮云玉篇水外曰隄又隄古岸也當以此爲正鞠段借字也

洞

酌彼行潦挹彼注茲

補鹽鐵論和親篇政有不從之教而世無不可化之民詩云酌彼行潦挹彼注茲故公劉處戎狄戎狄化之大

王去幽幽民隨之周公修德而越裳氏來

喬樅謹案揚雄博士箴云公劉挹行潦而濁亂斯清與此意合是三家說同

凱弟君子民之父母

補禮記孔子閒居詩云凱弟君子民之父母。鄭注凱弟樂易也

喬樅謹案表記引詩二語而釋之曰凱以強教之弟以說安之使民有父之尊有母之親如此而后可以爲民父母矣毛傳卽用表記語知三家亦皆同也禮記釋文云凱本又作愷弟本又作悌大戴

補漢書刑法志詩曰愷弟君子民之父母。師古曰大雅洞酌之詩也言君子有和樂簡易之德則其下尊之如父親之如母也

如圭如璋

補漢書叙傳威儀之盛如圭如璋

鳳凰鳴矣于彼高岡梧桐生矣于彼朝陽萋萋囡囡

補易林觀之謙高崗鳳凰朝陽梧桐嚙嚙喙喙奉奉羹

妻陳辭不多以告孔嘉

補又大過之需大樹之子百條共母當夏六月枝葉盛

茂鸞凰以庇召伯避暑翩翩偃仰甚得其所

揆之
困同

補又乾之姤政不暴虐鳳凰來舍四時順節民安其居

賁卦
同

矢詩不多惟以遂歌

喬樅謹案易林言陳辭不多以告孔嘉正釋此詩
二語矢卽陳也義見爾雅釋詁汲冢紀年云成王
三十三年遊於卷阿召康公從今據易林有當夏
六月語則卷阿之遊正在六月詩言飄風自南實

紀來遊之候非興辭也

民勞

民亦勞止汔可小康

惠此中國以綏四方

補鹽鐵論論勇篇詩云惠此中國以綏四方故義之服
無義疾於原馬良弓德之召達疾於馳傳重驛

無縱詭隨以謹無良

補後漢書陳忠疏輕者重之端小者大之源故隄潰蟻
穴氣洩鍼芒是以明者慎微智者識幾詩云無縱詭隨
以謹無良蓋所自崇本絕末鉤深之慮也○李賢注註

大雅也言詭誑委隨之人不可縱宜卽罪之用謹勅不善之人也

喬樞謹案廣雅釋詁隨小惡也陳忠引詩意主懲小以儆大與廣雅之訓正合

柔遠能邇

補漢書叙傳柔遠能邇

補後漢書班超上書曰竊聞古者十五受兵六十還之亦有休息不任職也詩云民亦勞止汔可小康惠此中國以綏四方

板

上帝板板下民卒殍

補禮記緇衣詩云上帝板板下民卒殍。鄭注上帝喻君也板板辟也卒盡也殍病也此君使民惑之詩

詩機謹案詩釋文云卒殍本又作憊沈本作殍攷韓詩外傳引詩作下民瘁殍是二字皆訓爲病此以卒訓盡文義與韓並異又按板板辟也辟卽僻字義見爾雅

先民有言詢于芻蕘

補禮記坊記詩云先民有言詢于芻蕘。鄭注先民調上古之君也詢謀也芻蕘調下民之事也言古之人君

將有政教必謀之於庶民乃施之

喬樅謹案此與詩箋義異

補鹽鐵論刺義篇多見者博多聞者知距諫者塞專已者孤故謀及下者無失策舉及下者無功詩云詢于芻蕘

誘民孔易

補禮記樂記詩云誘民孔易○鄭注誘進也孔甚也

喬樅謹案韓詩外傳引詩文同毛詩誘作牖傳云牖迫也正義以牖與誘古字通馬瑞辰曰說文羴相詠呼也从厶美或作誘古文作羴羊部又曰羴

進善也文王拘羑里在蕩陰是訓道訓進皆當以
羑爲正字顧命天受羑若馬注羑道也其正字也
作誘者羑之或體羑或借牖猶羑里尙書大傳史
記皆作牖里也

介人惟藩大師惟垣大邦惟屏大宗惟翰懷德惟宣宗子
惟城毋俾城壞毋獨斯畏

漢書諸侯王表昔周監於二代三聖制法立爵五等封
國八百同姓五十有餘周公康叔建於魯衛各數百里
太公於齊亦五侯九伯之地詩載其志曰介人惟藩大
師惟垣大邦惟屏大宗惟翰懷德惟宣宗子惟城毋俾

城壞毋獨斯畏所以親親賢賢褒表功德關諸盛衰深
根固本爲不可拔者也

喬樅謹案毛詩介作价毋作無與齊詩微異馬瑞
辰曰毛傳价善也鄭箋价甲也按介卽价之省文
介奔古通用爾雅介大也又曰介善也方言說文
竝曰奔大也介人爲善人卽爲大人與下文大師
大邦大宗爲一類若訓爲被甲之人則不類矣大
師宜謂大衆大師惟垣猶云衆志成城也荀子君
道篇曰君人者愛民而安好士而榮兩者無一焉
則亡詩云介人惟藩大師惟垣此之謂也蓋引詩

介人惟藩以證好士而榮大師惟垣證上愛民而
安毛詩出於荀卿其訓大師當與之同鄭箋讀大
如泰以大師爲三公正義以箋釋傳誤矣

補易林頤之漸姬與姜望爲武守邦藩屏燕齊周室以
疆子孫億昌

敬天之怒不敢戲豫

補後漢書郎顗條對曰詩云敬天之怒不敢戲豫

喬樞謹案丁鴻上封事引詩同

蕩

靡不有初鮮克有終

補大戴禮衛將軍文子篇詩云靡不有初鮮克有終○

盧辯曰大雅蕩首章也

曾是强圉曾是枳克

漢書叙傳曾是强圉枳克爲雄

喬樅謹案强圉毛詩作疆禦傳云疆梁禦善也攷楚詞離騷澆身被服强圉兮王逸注云强圉多力也叔師說詩多據魯說班用齊詩之文同魯作强圉是三家之訓皆與毛異王氏念孫云禦亦强也字或作圉逸周書謚法篇威德剛武曰圉春秋繁露必仁且智篇曰其强足以覆過其禦足以犯詐

是禦與強同義昭元年左傳曰疆禦已甚十二年
傳曰吾軍帥疆禦皆二字同義非疆梁禦善之謂
也

不明爾德曰亡背亡仄爾德不明曰亡陪亡卿

漢書五行志詩云爾德不明曰亡陪亡卿不明爾德曰
亡背亡仄言上不明暗昧蔽惑則不能知善惡親近習
長同類亡功者受賞有罪者不殺百官廢亂也

案五行志中之下引傳如此志言夏侯始昌通五經
善推五行傳傳族子勝其傳與劉向同則志所載傳
皆本始昌也始昌傳齊詩則此齊說也下放此

卷之三
咨女殷商天不洎爾以酒

補易林賁之坤帝辛沉湎商滅其墟

式號式譟

漢書叙傳班伯曰沉湎于酒微子所旨告去也式號式譟大雅所旨流連也詩書淫亂之戒其原皆在于酒

案班伯少受詩於師丹漢書儒林傳云齊詩有翼匡師伏之學

如蜩如螗如沸如羹

漢書五行志詩云如蜩如螗如沸如羹言上號令不順民心虛譟憤亂則不能治海內○師古曰謂政無文理

虛言踴脊如蝸蟄之鳴湯之沸滄羹之將孰也

喬樅謹案師古此注蓋襲用舊說齊詩之義故與
毛詩傳箋異解

雖無老成人尙有典刑曾是莫聽大命以傾

補漢書外戚傳成帝報許后曰詩云雖無老成人尙有
典刑曾是莫聽大命以傾○師古曰大雅蕩之篇也老
成人舊故之臣也典刑常法也言周亂之時不用舊法
以至傾危

喬樅謹案成帝嘗從伏理受詩理者匡衡弟子也
見漢書儒林傳及陸璣草木疏後漢書伏湛傳亦

稱理名儒以詩授成帝則此所引爲齊詩明矣

補鹽鐵論導道篇上自黃帝下及三王莫不明德教謹庠序崇仁義立教化此百世不易之道也詩云雖無老成人尙有典刑

殷監不遠在夏后之世

補鹽鐵論結和篇語曰前車覆後車戒殷鑒不遠在夏后之世矣

補漢書傳贊梅福之辭合於大雅雖無老成尙有典刑殷鑒不遠夏后所聞

抑

抑抑威儀惟德之隅

補漢書馮奉世傳贊詩稱抑抑威儀惟德之隅

喬樅謹案抑抑威儀句又見班固辟雍詩惟德之隅句又見漢書叙傳攷隸釋載漢酸棗令劉熊碑作惟德之隅隅者隅之段借亦三家之異文

有梏德行四國順之

補禮記緇衣詩云有梏德行四國順之。鄭注梏大也直也

補春秋繁露郊祭篇詩曰有覺德行四國順之覺者著也王者有明著之德行於世則四方莫不響應風行善

於彼矣

喬樅謹案毛詩有覺德行傳云覺直也箋云有大德行則天下順從其政訓義與記注同又斯干詩有覺其楹毛傳云有覺言高大也箋云覺直也直大傳箋互訓其義相成馬瑞辰曰按爾雅楫直也廣雅覺大也覺與楫雙聲爾雅釋文楫郭音角卽讀同覺釋名云上敕下曰告告覺也使覺悟知己意也以覺告同音爲義故通用楫卽覺之段借也說文覺悟也从見學省聲直正見也从十目乚乚讀若隱蓋以十目燭隱則見之審必能正曲也是

覺悟與正直義本相通又爾雅梗直也方言梗覺也皆覺有直義之證春秋繁露釋詩取著明之義與直大義亦相通

敬慎威儀惟民之則

〔漢書匡衡疏曰〕臣聞聖王之自爲動靜周旋奉天承親臨朝享臣物有節文呂章人倫蓋欽翼祗栗事天之容也溫恭敬遜承親之體也正躬儼恪臨衆之儀也嘉惠和悅饗下之顏也舉錯動作物遵其儀故形爲仁義動爲法則孔子曰德義可尊容止可觀進退可度呂臨其民是以其民畏而愛之則而象之大雅云敬慎威儀惟

民之則

喬樅謹案漢書五行志中之上引詩文同惟民之則句又見禮樂志安世房中歌

詰爾民人謹爾侯度用戒不虞

補鹽鐵論世務篇事不豫辦不可以應卒內無備不可以禦敵詩云詰爾民人謹爾侯度用戒不虞故有文事必有武備

喬樅謹案詰毛詩作質傳云質成也魯韓詩並作告馬瑞辰曰質與詰不相通詰當爲詰字之譌蓋質與折雙聲質與詰疊韻古並通用士冠禮質明

行事說文引作哲明行事哲从折聲是質通折之
證也古文哲从三吉作嘉或省作詰又通作詰小
爾雅詰朝明旦也詰卽哲之段借亦與質同故爲
明旦此質通詰之證也三家詩蓋作詰爾民人後
以形近而譌爲詰又省作告耳爾雅釋言詰誓謹
也據周官大司寇詰四方鄭注詰謹也是知爾雅
詰亦詰字形近之譌與此詩詰譌爲詰者正同至
漢書刑法志以刑邦國詰四方顏師古曰詰字或
作詰詰謹也蓋後人據誤本爾雅而改耳詩詰爾
民人與下句謹爾侯度同義詰亦謹也喬樞又案

不虞毛傳訓爲非度韓詩外傳及說苑引詩亦皆以不虞爲敗度之事與毛意合今據鹽鐵論云云則知齊詩之義以不虞爲非常寇盜鄭箋釋用戒不虞爲用備不億度而至之事蓋用齊說

慎爾出話敬爾威儀

補禮記緇衣詩云慎爾出話敬爾威儀○鄭注話善言也

白圭之玷尙可磨也斯言之玷不可爲也

補禮記緇衣詩云白圭之玷尙可磨也斯言之玷不可爲也○鄭注玷缺也言圭之缺尙可磨而平之言之缺

無如之何

班固幽通賦庶斯言之不玷

無易由言

補鹽鐵論散不足篇無易由言不顧其患患至而後默
晚矣

無言不讎無德不報

補禮記表記詩云無言不讎無德不報○鄭注讎猶答
也

補漢書王商等傳贊無言不讎

補春秋繁露郊事篇詩云無德不報

喬樅謹案張安世傳引詩二語同無德不報句又見宣帝紀引詩

相在爾室尙不愧于屋漏

補禮記中庸詩云相在爾室尙不愧于屋漏。鄭注相視也室西北隅謂之屋漏視女在室獨居者猶不愧于屋漏屋漏非有人也況有人乎

喬樅謹案毛詩箋云屋小帳也漏隱也禮祭於奧既畢改設饌於西北隅而扉隱之處此祭之末也馬瑞辰曰屋漏之義說者不一有以爲當室之白日光所漏者有以爲撤扉供諸喪用直雨則漏者

惟筵以屋爲小帳訓漏爲隱今按詩下云無日不
顯承上屋漏言之是屋漏皆隱蔽之義爾雅釋言
𡩊陋隱也陋漏古同音通用屋漏卽𡩊陋耳特牲
饋食禮曰佐食徹尸薦俎敦設於西北隅凡在南
𡩊用筵注云𡩊隱也少牢饋食有司徹曰有司官
徹饋饌于室中西北隅南面如饋之設有几𡩊用
席注云古文𡩊作𡩊案𡩊與𡩊雙聲𡩊與屋疊韻
𡩊又通作蔽詩翟𡩊以朝周官註引作翟蔽蓋因設饌西北隅以
席蔽之如幄爲𡩊隱之地因名其地爲𡩊陋又名
屋漏屋本覆帳之名因凡覆於上者通謂之屋屋

與隱雙聲是知屋亦隱也箋上釋屋漏下卽云匪
隱之處則是以匪陋卽屋漏矣楚詞九歌隱思君
兮徘徊讀如匪側讀如側陋之側高誘注淮南
子云側伏也伏調隱伏側陋又作側微微卽隱之
義說文微隱行也側陋側微皆調隱藏不出者是
知詩言屋漏書言側陋爾雅言匪陋楚詞言徘徊
其義一也曾子問當室之白蓋謂室中當戶明處
並未以爲室之西北隅也孔疏引以證當室之白
爲屋漏誤矣

神之格思不可度思矧可射思

補禮記中庸詩曰神之格思不可度思矧可射思○鄭注格來也矧況也射厭也思皆聲之助言神之來其形象不可億度而知事之盡敬而已況可厭倦乎

淑慎爾止不詈于儀

補禮記緇衣詩云淑慎爾止不詈于儀○鄭注淑善也詈過也言善慎女之容止不可過于禮之威儀也

喬樅謹案詈毛詩作愆氓詩匪我愆期釋文愆字又作詈蕩詩既愆爾止釋文愆本又作詈攷說文愆過也从心衍聲或從寒省作憲籀作詈釋元應衆經音義云僣古文憲遲二形籀文作詈今作愆

同

投我以桃報之以李

鹽鐵論和親篇詩云投我以桃報之以李未聞善往而有惡來者

喬樅謹案鄭箋云此言善往則善來人無行而不得其報也與鹽鐵論義合墨子兼愛篇云大雅之所道曰無言而不讎無德而不報投我以桃報之以李卽此言愛人者必見愛而惡人者必見惡也語意亦同

彼童而角實虹小子

補易林巽之節嬰兒孩子未有知識彼童而角亂我政

事損之大畜同

溫溫恭人惟德之基

補禮記表記詩曰溫溫恭人惟德之基

喬樅謹案溫溫恭人句又見玉藻注引詩

籍曰未知亦既抱子

補漢書霍光傳詩云籍曰未知亦既抱子

喬樅謹案籍毛詩作借

誨爾惇惇

補禮記中庸鄭注肫讀如誨爾惇惇之惇

喬樞謹案怵怵毛詩作諄諄釋文云諄本又作詵
詵字蓋魯韓異文此注所引據齊詩之文也後漢
書班固西都賦命夫諄諄故老文選作惇諄孟堅
用齊詩惇諄之語卽本此篇字本作怵後人轉寫
改怵爲惇又改惇爲諄以合於毛詩之文耳鴻範
五行傳鄭注引詩諄爾純純純純卽怵怵以形近
而譌也

桑柔

我生不辰

補易林大過之泰我生不辰

降此譴賊稼穡卒疇

補易林同人之節螟蟲爲賊害我稼穡盡禾殫麥秋無

所得豫之謙同

惟此惠君民人所瞻

補禮記祭統鄭注詩云惟此惠君民人所瞻

人亦有言進退惟谷

補曹大家班固幽通賦注大雅曰人亦有言進退惟谷

此敬慎之戒也文選李善注引

民之貪亂宜爲荼毒

補禮記坊記詩云民之貪亂宜爲荼毒○鄭注言民之

貪爲亂者安其荼毒之行惡之也

貪人敗類

補漢書宣六王傳贊詩云貪人敗類

雲漢

倬彼雲漢昭回于天王曰嗚呼何辜今之人天降喪亂饑饉薦臻靡神不舉靡愛斯牲珪璧既卒寧莫我聽旱旣大甚蘊隆蟲蟲不殄禋祀自郊徂宮上下奠瘞靡神不宗后稷不克上帝不臨耗斁下土寧丁我躬

補春秋繁露郊祀篇周宣王時天下大旱歲惡甚王憂之其詩曰倬彼雲漢昭回于天王曰嗚呼何辜今之人

天降喪亂饑饉薦臻靡神不舉靡愛斯牲珪璧既卒
莫我聽旱旣大甚藎隆蟲蟲不殄禋祀自郊徂宮上下
莫瘳靡神不宗后稷不克上帝不臨耗射下土寧丁我
躬宣王自以爲不能乎后稷不中乎上帝故有此災有
此災愈恐懼而謹事天

喬樅謹案毛詩正義云宣王遭旱早晚及早年多
少經傳無文皇甫謐以爲宣王元年不藉千畝號
文公諫而不聽天下大旱二年不雨至六年乃雨
謐之此言無所憑據今攷論衡須頌篇云成湯遭
旱周宣亦然然而成湯加成宣王言宣无妄之災

不能虧政觀仲任以成湯與周宣並舉湯有七年
之旱則宣王遭旱積至五年其說固非無據董子
引詩饑饉荐臻荐再也見爾雅釋言毛詩荐作薦
傳訓薦爲重爾雅釋天又曰仍饑爲荐釋文云荐
本作薦又釋詁訓薦爲臻訓臻仍爲乃以薦臻二
字互訓則臻亦仍也詩言薦臻猶言頻仍耳其下
六章曰胡寧殛我以旱釋文引韓詩作殛云重也
是遭旱之非止一年毛與三家之說皆同矣嗚呼
毛詩作於乎蘊隆蟲蟲韓詩作鬱隆炯炯耗射毛
詩作耗斁與此文異后稷不克箋云克當作刻刻

識也是我先祖后稷不識知我之所因此則以不能乎后稷與不中乎上帝皆爲自責之詞於義尤協

補易林明夷之大有陽旱爲災雖耗无憂

補荀悅漢紀六稱消災復異則有周宣雲漢甯莫我聽

靡有孑遺

補漢書高惠文功臣表靡有孑遺耗矣

赫赫炎炎

補易林乾之睽陽旱炎炎傷害禾穀穡人無食耕夫嘆息

補漢書叙傳赫赫炎炎

旱魃爲虐

補易林小畜之中孚魃爲災虐。又革之豐旱魃爲虐

嵩高

嵩高惟嶽峻極于天惟嶽降神生甫及申惟申及甫爲周之翰四國于蕃四方于宣

補禮記孔子閒居詩曰嵩高惟嶽峻極于天惟嶽降神生甫及申惟申及甫爲周之翰四國于蕃四方于宣。○鄭注峻高大也翰幹也言周道將興五嶽爲之生賢輔佐仲山甫及申伯爲周之幹臣天下之蕃衛宣德于四

方以成其王功此宣王詩也

喬樅謹案禮記正義曰按詩嵩高之篇甫侯及申伯甫侯謂呂侯也與申伯俱出伯夷之後又詩蒸民稱仲山甫之賢與崧高生甫及申全別此云仲山甫者按鄭志注禮在先未得毛詩傳然則此注在前故以甫爲仲山甫後箋詩乃得毛傳故與禮別也又毛詩正義曰箋定以甫爲甫侯而孔子閒居引此詩注以甫爲仲山甫者案外傳稱樊仲山甫則是樊國之君必不得與申伯同爲岳神所生注禮之時未詳詩意故耳樅謂正義說非也攷後

漢書張衡應閒曰申伯樊仲實榦周邦亦以甫爲
仲山甫與鄭君記注合平子用魯詩鄭君用齊詩
是魯齊說同蔡邕薦太尉董卓表云輔佐重臣國
之楹棟生應期運稟氣山岳是故申伯山甫列于
大雅蔡邕亦習魯詩者並以申甫爲申伯仲山甫
又司空楊公碑云昔在申呂匡佐周宣崧高作誦
大雅揚言是申呂卽此詩之申甫也尙書呂刑禮
記引作甫刑尤其明證張衡司徒呂公誄云四嶽
在虞傅士佐禹克厭天心姓姜氏呂登是南邦以
家以處降及于周穆侯作輔登受八命褒職靡傾

據此則樊仲山甫亦係出有呂同爲四嶽之裔故
詩言惟嶽降神生甫及申也孔氏正義以樊仲山
甫是樊國之君必不得與申伯同爲岳神所生何
疎於考據耶困學紀聞謂仲山甫猶儀禮所謂伯
某甫甫與父同若以仲山甫爲甫則尹吉甫程伯
休父亦可言甫矣伯厚不知樊仲氏呂詩之申甫
卽申呂妄相駁難其說愈失之

補漢書董仲舒對策曰周至宣王思昔先王之德興滯
補獎明文武之功業周道粲然復興詩人美之而作上
天祐之爲生賢佐後世稱誦至今不絕

補易林大壯之兌高高岱宗峻直且神

于邑于謝南國是式

漢書地理志南陽郡宛故申伯國有屈申城

案潛夫論云四嶽伯夷以封申呂裔或封于申城在南陽宛北序山之下引是詩二語爲證說與此合

不顯申伯王之元舅

補漢書外戚恩澤侯表帝舅緣大雅申伯之意

烝民

赫赫王命仲山甫將之邦國若否仲山甫明之

補後漢書郎顗上書曰詩云赫赫王命仲山甫將之邦

國若否仲山甫明之宣王是賴呂致雍熙

喬樅謹案赫赫毛詩作肅肅此據齊詩故文與毛

異

補漢書刑法志有司無仲山甫將明之材

既明且哲以保其身

補禮記中庸詩曰既明且哲以保其身○鄭注保安也

補班固離騷叙大雅曰既明且哲以保其身斯爲貴矣

補漢書司馬遷傳贊夫惟大雅既明且哲能保其身難

矣哉

夙夜匪解以事一人

補漢書董仲舒對策曰彊勉學問則聞見博而知益明
彊勉行道則德日起而大有功詩曰夙夜匪解彊勉之
謂也夫周道衰於幽厲非道亡也幽厲不繇也至於宣
王思昔先王之德興潛補弊明文武之功業周道粲然
復興詩人美之而作上天祐之爲生賢佐後世稱誦至
今不絕此夙夜不解行善之所致也

補荀悅漢紀二十八詩云夙夜匪解以事一人一人者
謂天子也

不侮矜寡不畏彊禦

補大戴禮衛將軍文子篇不畏彊禦不侮矜寡

補春秋繁露精華篇此亦春秋之不畏彊禦也

德輶如毛民鮮克舉之我儀圖之惟仲山甫舉之愛莫助之

補禮記表記大雅曰德輶如毛民鮮克舉之我儀圖之惟仲山甫舉之愛莫助之。鄭注輶輕也鮮罕也儀匹也圖謀也愛猶惜也言德之輕如毛耳人皆以爲重罕能舉行之者作此詩者周宣王之大臣也言我之匹謀之仲山甫則能舉行之美之也惜乎時人無能助之者言賢者少

喬樸謹案德輶如毛句又見禮記中庸篇引詩

補春秋繁露玉英篇匹夫之反道以除咎尙難人主之反道以除咎甚易詩云德輶如毛言其易也

補班固幽通賦乃輶德而無累○曹大家曰輶輕也輶德德輕而易行也

衮職有闕仲山甫補之

補鹽鐵論險固篇仲山甫補衮職之闕

韓奕

諸娣從之祁祁如雲

補儀禮士昏禮鄭注從者謂姪娣詩諸娣從之祁祁如雲

蹶父孔武靡國不到爲韓姑相攸莫如韓樂孔樂韓土

補易林井之需大夫祈父无地不涉爲吾相土莫如韓

樂可以居止長安富有

同人之需同

喬樅謹案易林兩引此詩並作祈父本又作行父
蓋字之誤也漢書古今人表韓侯蹶父並次宣王
世列上之下則齊詩文同毛作蹶父可知而易林
言大夫祈父者蓋蹶父爲司馬之官尙書稱司馬
亦曰圻父圻祈古通詩祈父予王之爪牙毛傳云
祈父司馬也司馬掌甲兵征伐之事故言孔武也

鮪鯢詡詡

補易林離之中孚魴魴詡詡利來無憂
睽之泰困之晉同

喬樅謹案詡詡毛詩作甫甫傳云甫甫然大也甫詡同音通用廣雅釋詁云詡詡大也訓義並同

因時百蠻

補班固東都賦內撫諸夏外接百蠻

江漢

武夫潢潢經營四方

補鹽鐵論繇役篇詩云武夫潢潢經營四方故飭四境所以安中國也

喬樅謹案潢潢毛詩作洸洸傳云洸洸武貌洸洸

當爲僨僨之段借爾雅釋訓洸洸武也釋文云舍人本作僨音同攷古文苑班固車騎將軍竇北征頌光光神武注引詩武夫僨僨音光武勇貌是三
家詩作武夫僨僨也北征頌光光當本作僨僨故
注引詩武夫僨僨爲證鹽鐵論潢潢蓋僨僨之譌
字玉篇人部云僨作力貌與趙同又走部云趙趙
武貌

明明天子令問不已

補禮記孔子閒居詩云明明天子令問不已○**鄭注**令
善也言以名德善聞天乃命之王也不已不倦止也

弛其文德協此四國

補禮記孔子閒居詩云弛其文德協此四國。○**鄭注**弛施也協和也

喬樅謹案弛毛詩作矢春秋繁露引詩亦作弛其文德與禮記同協毛詩作洽

補春秋繁露竹林篇詩云弛其文德洽此四國

喬樅謹案洽卽協字之段借板詩民之洽矣左傳及列女傳並引作協

常武

王命卿士南中大祖

漢書古今人表南中次周宣王世列上之下

喬樅謹案毛傳云王命南仲於大祖皇甫爲大師
鄭箋云南仲文王時武臣也宣王之命卿士爲大
將也乃用其以南仲爲大祖者今大師皇父是也
馬瑞辰曰毛公以出車詩南仲爲文王時人此詩
南仲別爲宣王時人漢書古今人表作南中卽此
詩之南仲也白虎通爵篇曰王制爵人于朝與衆
共之引詩王命卿士南仲大祖又引禮祭統古者
人君爵有德必於大祖是亦以詩南仲大祖爲命
於大祖義本三家詩與毛說同史記夏本紀夏之

後有男氏世本作南路史禹之後有南氏後有南
仲翊宣王以中興是南仲實爲南氏至大師皇父
據竹書紀年幽王元年王錫大師尹氏皇父命則
皇父實爲尹氏卽二章所云王調尹氏也安得以
南仲爲大祖箋說之誤可知矣正義云南仲爲卿
士未知於六官何卿案積古齊鍾鼎欵識載無專
鼎銘曰王格于周廟燔于圖室司徒南仲右所謂
南仲當卽宣王時臣則南仲實爲司徒周官大司
徒職大軍旅大田役以旗致萬民而治其徒庶之
政令南仲蓋命以治徒庶之事喬樞攷後漢書龐

參傳馬融上書曰昔周宣獫狁侵鎬及方而宣王
立中興之功扞城有虓虎之助是以赫赫南仲列
在周詩馬融以出車六月並爲宣王之詩與漢書
匈奴傳說合蔡邕諫伐鮮卑議云周宣王命南仲
吉甫攘獫狁威荆蠻應劭風俗通云詩美南仲闕
如虓虎是齊魯韓三家詩說皆以南仲爲宣王之
將也

整我六師以修我戎

補班固封燕然山銘爰該六師

喬樅謹案李賢注引此詩二語爲證

命程伯休父

補漢書古今人表程伯休父次宣王世列上之下

如霆如雷

補漢書叙傳王師雷起霆擊朔野

進厥虎臣

補漢書叙傳虎臣之俊

闕如虺虎

補班固賓戲七雄虺闕

王師驪驪

漢書叙傳王師驪驪○鄭氏曰驪驪盛也

案此卽王旅驪驪之異文而師古詆鄭爲非轉引四
牡驪驪駱馬爲解誤矣

徐方旣徠

漢書景武昭宣元成功臣表詩云徐方旣徠許其慕諸
夏也

喬樅謹案徠毛詩作來顏師古云徠古來字

徐方來庭

補漢書叙傳龍荒幕朔莫不來庭

瞻卬

邦靡有定士民其瘳蟲賊蟲疾靡有夷屆

賊

召閔

如彼歲旱草不彙茂

補班固幽通賦枝葉彙而靈茂

喬樅謹案彙茂毛詩作潰茂傳云潰遂也箋云潰茂之潰當作彙彙茂貌攷韓詩外傳引草不潰茂字與毛同惟齊詩作彙茂孟堅幽通賦語本此詩鄭箋是用齊詩攷毛故與孟堅所據文同蕭該漢書音義引服虔曰彙音近卉玉篇彙胡貴反潰與

東蓋以音近假借